

Templum Veneris,

SIVE

AMORUM RHAPSODIÆ, &c.

XX

Templum Veneris

SIVE

AMORUM RHAPSODIA, &c.

XX

A

—

J

—

O

—

F

—

—

—

—

—

Prin

4

Templum Veneris,

SIVE

AMORUM RHAPSODIÆ.

----- *Non murmura vestra Columbæ,
Brachia non bederæ, non vincant oscula conchæ.*
Frag. Epithal. Galien. Imp.

Cecinit MICHAEL CLANCY, M. D. K

*Light, the Prime Work of GOD, to me is extinct,
And all her various Objects of Delight
Annul'd -----* MILTON.

For the Benefit of the AUTHOR.



L O N D O N :

Printed for R. DODSLEY at Tully's-Head Pall-mall; and sold
by M. COOPER in Pater-noster-Row. 1745.

Templum Veneris

SIVE

AMORUM RHAPSODIAE.

Non minus casta Columba,
Baccha non debet, non vincat oscula comae.
Frag. Epithal. Galien. Imp.

Oecum MICHAEL CLANCY, M.D.

Light the Prime Work of God, to me is owing,
And all the various Objects of Delight
Milton.

For the Benefit of the AUTHOR.



L O N D O N :

Printed for R. DODD at Tully's Head Pall-mall; and sold
by M. COOPER in Paternoster-Row. 1745.



VIRO vere NOBILI

JOANNI

Comiti de ORRERY,

Baroni de BROGHILL in *Hibernia*,

Baroni BOYLE de MARSTON in *Anglia*,
&c. &c.



Fortunas meas, COMES ILLUSTRISIME, laudabunt omnes qui BOYLÆI nomen celebre paginæ præscriptum huic invenient. Tali innixa fulcro effulget scientiarum elata vis, splendent redivivæ artes. Longa Mercurialium Virorum serie

notabiles Proavos, gloriæ monumenta, numeras: nec
 impar Avis ipse, Nepotum quos pennâ aget metuente
 solvi fama nascens, origo lucida, & exemplar nitidum
 emicas. Dum tui benignitatem animi, dum sanctos
 mentis recessus, & tantæ molis virtutem tacitè revolve
 mecum, Virum non fallacis Aularum Pompæ cupi-
 dum, non peccantis vulgi rumoribus adulatoriis in-
 flatum molliter; sed Sapientum, Bonorumque dignè
 Æmulum, reperio: summis honoribus non adscititæ do-
 natum, nec propriis auctum, sed doctrinâ & morum
 comitate insignem, sentio. Talibus sonat præconiis
 publica vox; hæc Senatus, hæc de te Procerum est
 sententia; hæc si verbis proclamem palâm, interpre-
 tem potius, quam orationis authorem veræ qui recte
 judicant, uno ore dicent conscii. Ubi Borealis terræ
 torpentes incolas mitior aura recreat, his propitio tan-
 dem exhilaratis numine, ovanti licet concentu enar-
 rare coeli munera; Egone quod latè splendet felicitis
 principium augurii fidus, aut fulgentis astri dona per
 opacam influentia noctis nebulam indigno pravè celum
 partiar silentio?

solidstori

A

Amorum,

DEDICATIO.

v

Amorum, vir amate, rationem & innocuas Cupidineæ artis illecebras audi; Cnidiæ Veneri quam certe carus ille Hominum Divumque voluptatem vocat, annue. Quali circum præcordia ludat ambitu officiosus Amor, norunt qui livibus telis hospitium præbent facile: Te castus Amor, illibata Fides, Te Virtus, Te tutum cingit Pudicitia. Tempestatibus actas, vir humanissime, Camoenas fuscipe; & opusculo huic fave, illo tempore nato, quo gratior ibat dies, & ad huc nitebant soles.

*Londini Mensis
Martii 12.*

MIC. CLANCY.



LEC.

DEDICATION

Amor, vir amant, rationem et innocens Cupidi.
 Nec aris illecebras ardy; Chidie Venen quam certe
 caris ille Hominum Divinque voluptatem vocat.
 Quasi circum precordia lachat amplexu offi-
 ciosus Amor, novent qui livibus telis hospitium pre-
 bent facile: Te castus Amor, illibata Fides, Te Vir-
 tus, Te rectum cingit Pudicitia. Tempelationes actas,
 vir humanissime, Carnecus fufcipe; & opusculo hinc
 illo tempore nato, pro gratia idat dies, & ad
 huc micant folia.

MIC. ELANCY.



LEC



LECTORI.

*E*Ruditorum furta & lenocinia indignantur merito,
ita me Dii ament, qui surreptitias fraudes callide
perspiciunt emuncti naris homines. Quæ nunc dierum
in lucem prodeunt opuscula, tepentis potius cerebri
fungos, quam speciosa præpollentis ingenij à Divino quo-
dam promptuario miracula exorientia, si animum in-
tendis, credas. Dissona & incongrua prave nectit
Ars inepta, Naturæ simplicis venustates splendescenti
quadam colorum varietate, quasi mirandum aliquid
prolatura operit, Aquinatem succum Sidonio substitu-
ens ostro. Si quicquam laudandæ vetustatis sapit hoc
b carmen,

*carmen, si mortuos olet, primævo fonti indagator sagax
tribue; nec nobili cuidam Gallo, viro alioquin inge-
nioso & ad unguem factæ fidem adhibe, qui aliquot
abhinc annis satis acurato stylo libellum edidit, cui
titulus, Le TEMPLE DE GNIDE. Dum in præsa-
torio sermone ait, se ex Græco Exemplari vieto &
prope tinearum epula opusculum quod luci dederat
in linguam propriam transtulisse; Rhodio hunc Pithe-
leonti non absimilem reor, qui difficilia & mira au-
cupio quodam insectetur, quanto rectius rem ut se
habet plane confiteri: carmina hæc jam denique in
lucem missa, qualis sint notæ & unde oriantur per-
spice. Si Mythologiam spectes, non minus Romanis
quam Græcis convenit; non ita absimilis erat utriusque
gentis de rebus Divos attingentibus & cogitandi &
dicendi ratio; quæ hauriuntur ex eodem puteo aqua,
ejusdem sunt saporis. Fulminat, sævit, claudicat
Atheniensis & Capitolinus Jupiter, Mars, Vulcanus.
Qui Cypriam digne scripserit, Romanam noverit, sua
ubique pariter Divæ gratia inest, quam Focus circum-
volat*

volat & Cupido. Ex ipso olfactu & secretis quibusdam
indiciis Numismatis momenta & dies norunt illi, quos
Italo quodam nomine Virtuosos vocant, nec materiam,
sed signa tantum respiciunt. Acri inspicere oculo oblatis
juncturam operis, & auribus calle an legitimum re-
perias sonum. Si quicquam laude dignum senseris,
Proavis gloriam omnem, Editori emolumentum præbe;
nec eum aliquo saltem munere indignum arbitraris,
qui, si ita fidem applies, quod diu latebat, è tenebris
in apricum protulit. Ex luctuosa calligine æthereas
prompsere flammæ Divus ille MEONIDES & MIL-
TONUS noster: horum oculis negatum splendoris jubar,
mentibus ipsis & interiori animæ diffusit suavius æterni
luminis principium & origo. Hos si æmulari aveam
ingenij viribus omnimodo dispar, per opacæ noctis in-
fortunia titubans, pari me cæcitatis involutum nube,
quam ne vel minima cælitus demissa ignis scintilla
recreet, proclamem miser. Sive ergo inter annosa
Vatum manuscripta Poematis hujus prototypum, sive
in sepulchro inter defunctorum cineres absconditum

quærendo acquisiverim, quovis tandem pacto in eum
qui nunc palam est ordinem redegi, eo pro meis utor.
En tibi specimen cujus penes me (ni fallor) unicum
sunt partes residuæ duæ, quæ, si poscas, mox adjici-
entur. Vale, & oblati hisce Musæ adventitiæ labo-
ribus, si Parnassi videtur Incola, benigne fave.





EPISTOLA

*Clarissimi Præsulis de CERATI,
Ordinis Sancti STEPHANI Canc.
& Academiae PISANÆ Præp. ad
MIC. CLANCY, M. D.*

Scripta Parisiis anno 1742.



ARMEN tuum, Vir dilecte, Abbati de
Rothlin nudius tertius legendum tradidi.
Quanta humaniorum litterarum suppellectili
munitus sis, concinna strictè orationis compages facili
connexa torno mirè probat. Advenit mihi hodie
Abbas ipse, & cum eo unà Secretarius Academiae
Bononiensis, vir acer & in laude pariter ac vituperio,
ubi veri amor rem postulat, utique integer; carminum
tuorum

tuorum LX. quædam accurate perlegimus, relegimus, nec publicæ venæ fructus triviales in hoc operis tui primordio agnovimus, nec phrasiologico oneratos stylo mutuos sensimus periodos, à scopo longe errant pæne omnes qui nunc dierum prisca carminis venustatem imitari avent, elixa assis miscent, lucida tenebrosis, arguta mutis : & Persium Tibullo, Maronem ipsum Martiali connectentes, subsultorium & ex variis pannis confutum carmen conficiunt, doctis auribus fastidiosum. Litteratis ex rei famâ fatis innotescit Poëma Cardinalis de POLIGNAC, tanti viri nuper vitâ defuncti jam suaves reliquæ ; carmine molli & faceto Musarum interpres solers Epicureum systema redarguit, concursui atomorum fortuito Carthesiarum philosophandi morem substituit Præsul Christianus, nec pretioso operi totum posuit negotiis & valetudine impeditus ; tuæ curæ commendatum velim Poëma hoc divinum, si ubi deficit narratio & ubi versus quandoque hiant, nondum perfectè castigati, parem scribendi normam imitatus ex tuo thesauro aliquid adjeceris, famam & laboribus tuis digna munera consequêris.

Oblecta-

Oblectamentum tibi dabunt hæc studia, quæ gratiora essent, si Nutonianis principiis, quæ vobis Anglis sola, & quidem non immerito placent, stabilita forent. Opes & auxilium in hoc conatu præbebit amicissimus tibi Præses de Montisquieu, vir in omni arte Appollinari peritissimus. Vale, & tuis fruire Camœnis.

C E R A T I.

Veniam, Lector amice, dabis, quod Epistolam hanc a Viro doctissimo, dum nuper Parisiis commorarer, acceptam, publici juris fecerim; & hoc Amicorum postulationibus obsequendi desiderio potius, quam Famam ambizioso quodam more insectandi studio, tribues.




T E M.

Obsecrantur tibi dant fac studis, quae gratiam
offert, in Nipponensis principis, quae vobis Angliis
& quidem non immerito placeant, scilicet foris
Osee & variis in hoc coram prope amicis
tibi facit de Monasterio, vix in omni sine Apollis
nam peritissimus Vale, & tunc hunc Garmenis.

CERATI

Variantur hector amice, scilicet quod Epistolam hanc
a vito doctrinam, cum super Pantis commoraret,
acceptam, proinde paria faceret, scilicet Ammonum
possit hunc obsequium deditur potius, quam la-
mpe hanc ad hunc potius scilicet studio, tribus.



I
D
N
V
O
Sa
D

A
La



TEMPLUM VENERIS.

DELICIAE Veneris Cnidus, hos Cytherea recessus
Eligit, & Cnidios Amathonte Paphoque relictis
Diva petens, populis sese felicibus infert.
Non timor hos, non ille quatit quem numina Divûm
Visa ferunt aliis horror, sed sæpe reviso
Ore Deæ, assuetis amor & fiducia crescunt.
Sæpe levi nebulâ tegitur, patet abdita, roris
Divini suaves sparsim dum fundit odores.

Urbs splendore nitens mediis se tollit in arvis,
Arva tegunt fruges, & copia munere Divûm
Largâ fusa manu, segetes intacta colonis

B

Rura

Rura ferunt, surgit votis prior aurea messis.
 Mille greges nivei persultant gramina, dulces
 Exuvias florum diffundens aura Favoni
 Spargit, & æterni spirat nova balsama Veris :
 Musica vox avium silvas, & murmura campos
 Lympharum variis implent concentibus, ortum
 Lenta Cupidinei facilem dat flamma caloris
 Naturis, & nata fovet regina voluptas.

Proxima stant Veneri dicata palatia, sponsæ
 Condidit infidæ sacras uxoriæ arces
 Mulciber has olim, quo Divûm ante ora pudoris
 Munere pacaret læsi crudelia damna.
 Quæ charites fecêre, ipsæ exornata lepore
 Verborum proprio solæ depingere nôrunt.
 Aurea flammiferi nident fulgore pyropi
 Atria, scintillis adamas micat undique sparsis

Igneus,

Igneus, & radio lucet stellante smaragdus.
 Dives opum locus; at rerum pulcherrimus ordo
 Divitias superat; quæ gratia, quanta venustas
 Hortorum! Pomona suos hic alma labores
 Artibus adjunxit Floræ, nec tradita Nymphæ
 Ulla colunt alacres potiori munia curâ.
 Nec mora decerptis soboles nova fructibus ortu
 Succedit miro, foliisque sequacibus ultro
 Venturi subeunt flores primordia pomi.
 Dum cingunt Venerem Cnidii, si ludicra blandis
 Saltibus, & genio volitans vaga turba soluto
 Festivos agitat lusus, periisse videtur
 Turbati lacerum ruris decus omne, sed omnis
 Confestim rediens mirâ virtute refurgit
 Florum priscus honos, omnisque repullulat arbos.
 Ingenuos spectare choros, agilesque puellis
 Commixtas Cnidiis inter colludere nymphas

Coelicolûm fugiens pompam Dea mitis Amorum
 Gaudet, & innocuo corda exultantia lusu
 Læta videt, placidæque adstat jucunda cohorti.

Haud procul irrigui pandunt se florea ruris
 Prata, rosas Corydon legit hic cum Phyllide pastor,
 Hic molles carpit violas, formosior illa est
 Semper, & hanc Floræ specioso munere partam
 Esse putat Corydon carpsit quam candida Phyllis.

Diffusos torquens per mollia prata canales,
 Mille moras curvo Cepheus qui labitur amne
 Virginibus teneri promissum pignus amoris
 Oscula si renuant oblato flumine nectit,
 Et celer adversas fugientibus objicit undas ;
 Tardat aquas refluus, stantes in margine nymphas
 Ut videt, immotos venientia flumina fluctus
 Tanguant,

Tangunt, pacato lentus requeſcit in alveo ;
 At tenerum puris cum proluit una fluentis
 Corpus, in amplexus renovato plenus amore
 Surgit, & immerſam lymphis circumfluus ambit :
 It, fugit, elatis vehitur dum rapta fluentis
 Præda, pavent timidæ comites, ſimul omnibus undis
 Gratum tollit onus, per amoena fluenta volutam
 Detinet, & gremio verſans dum ſerpit ad oram
 Quam mallet tenuiſſe refert, ſic reddita lætas
 Adveniens tandem ſolatur nympha ſorores.

Cingit odorato campum denſiſſima myrto
 Silva, per ambages ſinuoso tramite flexas
 Solliciti curas animi narratis amantes ;
 Ducit amor, ductos ſecreta in devia ſenſim
 Fallit, & illeſtos ſemper novus implicat error.

Est facer & nulli silvam prope pervius astro
 Lucus, vivaces reverenda cacumina quercus
 Nubibus, & coelo capita immortalia condunt;
 Hic sancto percussa metu trepidantia corda
 Et nemus obfuscum & tenebrosa silentia terrent;
 Has fedes nondum terrâ mortalibus imâ
 Crediderim egressis coetum coluisse Deorum.

Quà datur externas penetrare ad luminis auras
 Conspicui Veneris Templum tenet ardua collis,
 Purius hoc toto nihil est nec sanctius orbe;
 Formosum Venus hic aspexit Adonida primum,
 Capta simul lapsi vires in corda veneni
 Sensit, & heu nostros quisquam mortalis amores
 Suscitet! exclamat, sed nostro dignus amore,
 Ah! nimium dignusque coli formosus Adonis.
 Nulla meas, Cnidii, posthac effundite ad aras

Vota, fit ille Deus, fit vobis numen Adonis.

Hic primo Psichen florentem vere juventæ
 Cum matre invenit, Templi laquearea circum
 Aurea dum volitat, telisque potentibus ictus
 Imperium formæ sensit victricis, amore
 Victus Amor ; tales, inquit, si nostra dolores
 Spicula dant, humeris quid tam crudelia nostris
 Spicula, quorum arcus, cur noxia tela geruntur ?
 Molle sed in gremium Psiches ubi decidit alis
 Lapsus Amor tremulis, & nos, exclamat, habemus
 Regna voluptatum, subjectaque gaudia nobis.

Continuo ingressis sacrati limina Templi
 Illecebræ captas mirâ dulcedine mentes
 Suaviter accingunt, tales reor esse Deorum
 Blanditias, festosque dies felicitis Olympi.

Hic

Hic decus, hic Veneres, hic circum Dædala rident
 Munera Naturæ, doctamque imitata magistram
 Ars, dedit eximios operum ingeniosa labores.
 Divûm aliquis liquidos vitam simulare colores
 Hic docuit, variosque modos & lucis & umbræ
 Miscuit, & pictas jussit spirare figuras.

Nata Venus, fluctuque recens egressa marino
 Cæruleis nitidum spumis caput exerit, illam
 Vultibus attonitis miratur turba Deorum
 Læta; rubet, palam quod possit nuda videri
 Diva, gerens pulchro summum decus ore pudorem.

Hinc paribus raptos flammis Martemq; Deamque
 Pinxit, & amborum teneros conjunxit amores
 Docta manus; curru Mavors sedet arduus alto
 Terrificos volvens oculos, comitatur euntem

Circum

Circum Fama volans, gressu Mors dira Pavorque
 Pallidus ante ruunt celeri, spumantibus ipse
 Instat equis, tandem media in certamina raptum
 Pulveræ involvunt nebulæ ferventis arenæ.
 Post resupinus humi dejectis viribus idem
 Languet, & in roseo reficit dum membra cubili
 Subridet Veneri, cœlestis signa nitoris
 Pauca videntur adhuc, vix signa notantia Martem.
 Te, gradive ferox, & te mitissima, nectit
 Unus amor, Cytherea; legunt redolentia vobis
 Serta Voluptates, & florea vincula blandæ
 Molliter injiciunt, suspiria funditis alto
 Pectore vos, oculique tremunt confusaque membra.
 Ille suæ Veneri, Marti solatia præbet
 Illa suo, risu festivo ludit Amorum
 Circumfusa cohors, non hos movet omnis Amorum
 Turba, sed intenti sese & sua gaudia curant.

Parte alia solers Veneris connubia pictor
 Et te conjunctum vincolo, Vulcane, jugali
 Apposuit, magni circum chorus omnis Olympi
 Adstat, lætitiæ per conjugis ora fluentem
 Insuetam aspiceres, finem quoque fortis opacæ
 Idem exhorrescit, dubioque timore trementem
 Cernis, & emoto nascentes pectore curas :
 Diva exultantes immotâ mente catervas
 Aspicit, & sponso dextram tamquam inscia tendit,
 Nec visum patitur; fugitivo lumina motu
 Errant, & Charites spectat conversa propinquas.

Pronuba solemnes Juno prope stans Hymenæos
 Dirigit, insignem pateram Vulcania conjux
 Haurit, & æternæ fidei incorrupta marito
 Foedera, nec flecti qui possit spondet amorem :
 Solvuntur Divûm furtivis risibus ora ;

Vota

Vota animo gaudens promissaque conjugis audit
 Mulciber, & tales avidâ bibit aure loquelas.
 Mox furit Ignipotens rapidis ipse ignibus ardens,
 Atque moræ impatiens sponsam trahit, illa trahentem:
 Passibus invitis sequitur, hanc esse putares
 Avulsam Cereris natam in Plutonia regna,
 Visa semel Veneris si fallere possit imago.

Aspicias in summo duros ut brachia circum
 Vertit in amplexus, Divamque cupidine fervens
 Tollit humo, elatam thalamo imposuisse laborans
 Avehit, & fugiens in amata cubilia portat:
 Agmina coelicolûm vario ordine longa sequuntur,
 Illa manus multum cupiens vitare tenaces
 Mille modis flexum distorquet amabile corpus;
 Jam niveas crurum vestis sublata columnas
 Deferit, & volitans nudos ostendit honores;

Hos tegit, & studio sic se Vulcanus inani
 Exercens, curas operi dat sedulus omnes :
 Strata thoro tandem geniali includitur, illam
 Heu ! nimium fidens tibi nunc in sæcula credis
 Adjunctam stabili nodo, propriamque futuram :
 Diffugiunt omnes, fugientes cernit amoeno
 Lumine, lascivo Divæ spectacula risu
 Ludicra, vos ingrata Dei atque exosa videtis :
 Tu tamen ante alios tristi, Mars, faucia curâ
 Pectora, ferventemque geris sub corde dolorem.

Hæ Veneri arrident ædes, ornataque luxu
 Moenia regali, sua jam delubra vocari
 Hæc amat, hic precibus leges normamque ferendis
 Instituit, festosque dies, stabilitaque certo
 Ritu jura, loci numen, templique sacerdos.
 Vix ea sacra voces reliquum inconcinna per orbem

Quæ

Quæ celebrant aliæ gentes, non illa decoræ
 Religionis habent quicquam ; per templa puellæ
 Concubitu innuptæ turpi venalia foedant
 Corpora, & ex ipso dotem & sponsalia lucro
 Accumulant ; nuptis etiam per templa vagari
 Mos alibi, & palam quem dilexere coacto
 In venerem, placito semel indulgere furori :
 Nec tamen illiciti sceleris mercede fruuntur,
 Oblatumque imis condunt penetralibus aurum.
 Invenies etiam templis ubi munera ferre,
 Et licitum solis cultas meretricibus aras
 Cingere, Matronis non hic laus ulla pudicis,
 Nullus honos, sancto reverentia nulla Pudori.
 Necnon & (dictu horrendum) genitalia templis
 Sæpe viri extirpant mediis excisa, togamque
 Foemineam induti sacra ad delubra ministrant.
 Sic te Diva colit sexu viduatus utroque,

Et mutilus tibi jam nec vir nec foemina servit.

At Cnidiis tu sacra tuis, Venus alma, dedisti
 Numine digna tuo, puroque nitentia cultu.
 Victima sunt illic suspiria, donaque cordis
 Oblatum teneri munus, quæ spondet amicæ
 Omnis amans, quæ vota facit, quæ mollia dicit
 Verba, Venus charæ vice suscipit ipsa puellæ.
 Qualis honos Veneri, talis reverentia formæ
 Egregiæ, si diva Venus, coelestis origo
 (Forma ubi purpureo præstantior emicat ore)
 Huic quoque, & hoc pariter credunt divinitus ortum.
 Non illi infidum simulato pectus amore
 In delubra ferunt, Fidei se ostendere priscæ
 Audent, & Veri puris altaribus adstant.

Quos nimium crudelis Amor, quos angit Amica

Sæva

Sæva nimis, tristes mœsti per templa querelas
 Hic fundunt, tanto effulget medicina dolori
 Aurea spes, blandoque animos solamine mulcet.
 Vos, quibus haud fictis cor ignibus ardet, acerbum
 Si quondam sensistis onus, nunc æqua dolori
 Gaudia, nunc fido Dea quæ promisit amor
 Sentitis, nec vos promisso eludit inani.
 Læsa Fides quem non cruciat? Sed mente latentes
 Iras, & tacitum prodest celare dolorem.

Quis decreta Deum coelo enascentia culpet?
 Quis dominam, si mente levis mutatur in horas
 Incusare ausit culpæ? aspicienda silenti
 Si quæ sunt cultu vanâ infectère querelâ,
 Ex ipsis fiunt justissima damna querelis.
 Munera sunt coeli flammæ, quibus ardet Amoris
 Ignea vis, Furia, captæque insania mentis,

Et quanto fibi quisque minus moderamina cordis
 Vindicat ipse fui, tanto tibi, Diva, tuoque
 Cor magis imperio jungis, captumque gubernas.

Impia queis nunquam generoso pectora amore
 Exarsere, Deæ non his delubra profano
 Inquinare licet voto, nec limina templi
 Sacra ineunt, sed vota procul longèque remoti
 Emittunt, Divamque rogant ut inertia mentis
 Otia tranquillæ nimium fibi, jamque perosum
 Libertatis onus tollens patienter amico
 Auferat auxilio, torpentem ubi nulla cupido,
 Nullus amor mentem, non afficit ulla voluptas.

Inspirat castis verecundum Diva pudorem
 Virginibus, quas ipsa tegit Verecundia rebus
 Pondera dans, opibus pretium latitantibus addit.

Non

Non tamen his virgo faustis in sedibus unquam
 Erubuit, puri quod vim pateretur Amoris;
 Nec puduit licitos ignes quandoque benigno
 Ingenuosque animi motus sermone fateri.

Constituit sibi quisque diem retinacula cordis
 Solvere quo deceat, qui tangi nescit amore,
 Huic edura nefas retinacula solvere cordis.

Vos foveat, O Cnidii, gens fortunata, Cupido:
 Vos, si lædat Amor, quales in corda sagittas
 Emmittat, cautus novit, crudelia nullæ
 Pectora si lachrymæ, nulli flexere dolores
 Durum animum, et sævum cor nil miserantis amici,
 Adstat mitis Amor, lethæo tincta puellis
 Flumine sollicitus perituris tela ministrans.

D

Pectora

Pectora cum mutuis primum exardescere flammis
 Cernit Amor, crebris omnes in corda saggitas
 Ictibus effundens crescentes auget amores;
 Idem languentes jam nunc decrescere flammās
 Ut videt, aut prisco vires animumque calori
 Reddens, confestim redivivos suscitāt ignes,
 Aut subito extinctos æterno funere mergit.
 Non Cnidii extremis norunt ingrata diebus
 Tædia, nec tristes horas ubi definit ardor;
 Nec si cesset amor, subeunt fastidia, raptæ
 Lætitiæ immemores reddit renovata Voluptas
 Suavior, et Cnidios in læta oblivia ducens,
 Gaudia dat fautis sensim potiora Cupido.

Læsit Amor Phædræm crudeli vulnere, durus
 Misit et in Cressam sævissima tela sororem:
 Subduxit pharetrâ quæ talia vulnera possent

Tela

Tela dare, atque animis hæc ferre pericula læsis
 Officiosus Amor; coelo qui fulmina mittit
 Novimus esse Jovem, telis, Puer, ales iisdem
 Triste odium, et lætos dum cordi infundis amores,
 Te quoque Coelicolum de stirpe agnoscimus ultro
 Esse Deum, Numenque tuum et tua regna fatemur.

Non unquam occiduis radios Sol mergit in undis,
 Intima quin sacros ubi dant delubra recessus,
 Affiduis Venerem precibus votisque puellæ
 Sollicitent, neque fallaci sententia fugo
 Blandiloquos effert sermones subdola, simplex
 Gratia dum puro manans è pectore, puris
 Enitit in verbis.---Venus ô Regina Amathontis!
 Nunc, ait una, meæ periêre in Thyrsida flammæ,
 Non ego te posco ut redeat mihi pristinus ignis
 Diva; sed hoc tantum concede, benigna, petenti,

Jam me Daphnis amet, jam me novus occupet ardor.
 Da mihi, Diva potens, tantas, ait altera, vires,
 (Vix tamen auditur tacito vox missa susurro)
 Nesciat ut quantis meus ignibus urar Amyntas;
 Da mihi celatos ut longum ignoret amores
 Phyllidis ille suæ, sic quæ mihi sponte fateri
 Mox suadebit Amor, grato magis ipse fatentem
 Audiet hæc animo quondam meus ignis Amyntas.
 Nescio quid nuper mentem mihi fascinat, imis
 Afflictam in latebris, inquit Galatea, peroso
 Lumine nunc solam juvat in deserta vagari
 Devia; nunc comitum lusus mihi displicet omnis,
 Hoc amor est forsan, si tela Cupidinis hæc sunt,
 Daphni, meum solus cor, solus habebis amores.
 Te celebrant pueri, te cantu, Diva, puella,
 Te quoque mitis Hymen, festis, Hymenæe, diebus,
 Carminibus numerisque vocant, hic omnia circum

Dant laudes tibi, Diva; suos qui narrat amores,
 Sæpe tuos etiam narrat, Cytherea, Triumphos.
 Formosam dextrâ ducens Amarillida Thyrsis,
 Sic cantabat ovans, telis mihi pectora iisdem
 Saucia nunc, olim visâ quibus ipse Cupido
 Tu Psiche ardebas, fors contigit æqua duobus,
 Infit quanta meis sensisti flamma medullis,
 Et tua quam fuerit sensi pergrata Voluptas.

Non ignota cano, tenuit me dulcis amœno
 Hospitio Cnidus, & te, formosissima, vidi,
 Te visâ, Themiri, exarsi, rursumque revisâ
 Augebat primos iterum novus ardor amores.
 His ego si Themirin toto mihi jungier ævo
 Sors daret, his feros in amatis sedibus annos
 Ducere amem, nihil est potius mortale quod optem.
 Me Themiris, me fidus Amor, sacrata volentem

In

In delubra vocant, juvat alta Palatia Divæ,
 Et sanctos penetrare Lares, & moenia credam
 Jam dicata tibi, ô Themiri, hæc; per mollia dulces
 Tendens prata legam flores, gremioque reponam
 Munera lecta tuo, tecum mihi fors dabit olim
 Forte per umbrosum tacite nemus ire, viarum
 Hic ubi confusis errantem callibus ardens
 Te, Themiri
 Dicere plura nefas, tua sunt arcana, Cupido.





TEMPLUM VENERIS.

EST Cnidiis antrum, blandis habitata Choræis
Nympharum loca, sacrato gens illa recessu
Mystica pandentem verbis oracula Divam
Lenibus hic audit, dictisque salubribus hæret.
Non gemit horrendum tellus, non crinibus illic
Territus erectis stupet Advena, nulla sacerdos
Ut Delphis agitata tremit, nec numine plenam
Inflatamque suo ut Pythiam quatit Augur Apollo:
Ipsa Venus facilem præbet mortalibus aurem,
Spes fovet, & duros subducit amica timores.

Foemina Cretensi fallax è stirpe, relictis
 Collibus Idæis Cnidas advenit ad oras ;
 Incedit, juvenum visam densissima circum
 Turba movet ; vultu simul huic subridet amoeno,
 Arrectas ille vocem producit in aures
 Leniter ambiguum, brachiumque innixa reponens
 Blandius, inque alium inclinans, conversa potenter
 Ore duos uno ciet ambitiosa sequentes.
 Artis opus varia formam exornabat amictus
 Conspicuum splendens, nec fraudes improba verbis
 Voce minus dubia necit fallacibus, alto
 Pectore quam meditata dolos exercet ocellis
 Infidiosa vagis : quales sensistis Amantes
 Quis non fictus amor curas, quæ tædia, vestrae
 Et lachrymæ testes, & coeli sidera norunt.
 Processit vultu quali nonnulla Dearum
 Audax, consultum sacrata oracula, vocis

Protinus

Protinus auditur sonus è penetralibus actæ
 Sacratis.---Sincerum animum nos sceptraque Falsi
 Nescia veridicæ gerimus, procul hæc fuge regna
 Perfida, quid vanas his infers sedibus artes?
 Icta gravem dabis hoc pœnam pro crimine, turpi
 Omne tuum squallore decus, quodque allicit omne
 Sordibus obvolvam, miserè sed corda manebunt
 Usque eadem, solitamque gerent intacta figuram:
 Nocturni ut Lemures horrenda, vocabis inani
 Conatu, fugient omnes quos voce laceffes,
 Irrita vota cadent, nec quid sperabis habebis;
 Teque odium tumulo & ludibria dura sequentur.

Venit & extremâ Thais à Nocritide, raptis
 Clara nitens opibus, spoliisque insignis Amantum;
 Si decus imperio famamque his addere rebus
 (Inquit Diva) putas nostro, te somnia ludunt
 Vana, voluptates monstrat præstantia formæ

E

Tanta

Tanta tuæ, non illa tamen præstantia fundit
 Delicias animis, nec gaudia vera ministrat :
 Ferrea corda tenes, ipsoque Cupidine viso
 Nullus amor duram flectat, nec suscitetur ardor ;
 Blanditias nugasque leves imbellibus offer
 Hinc semota tuas, & dona petentibus illa
 Quæ data sponte tui inducant fastidia funde.
 Quæ speciosa geris videant, hæc visa repente
 Spreta jacent, & nota ocus perduntur in ævum.

Lydorum venit Regis fulgentibus auri
 Præfectus cumulis, auro gazisque beatus
 Ipse, petis, nostri quamvis moderamen Amorum
 Sit, Dea, juris, ait, quod nec conferre volentes
 Possumus, ut cordi flammam inspiret amoris
 Foemina bella tuo, partas tibi subjicis auri
 Ponderibus, quarum forma est pulcherrima plures,
 Sed pretium flammam ignemque Cupidinis aufert.

En tibi quis sit opum fructus, fastidia rerum
 Inducent saturo, promet Natura decorum
 Quidquid habet, sed te fugiet sublata voluptas
 Omnis, & egregium est & quidquid amabile spernes.

Pastor Aristæus longinquâ à Doride venit,
 Phillida formosam Juvenum pulcherrimus ipse
 Viderat hic olim, jam captus amore peribat,
 Invehitur totis rapidæ violentia flammæ
 Ossibus, inque imis hærebat fixa medullis ;
 Supplicibus Venerem precibus tamen orat, amor
 Inferat ut stimulos, & ventilet acrius ignes.
 Quale tuum sit (Diva refert) cor novimus, ultro
 Hospitium præbet flammis, tibi mollia fervent
 Pectora sponte, tuo sed digna videtur amore
 Phillis : connubio Reges sibi jungere vellent
 Phillida, sed potius fidos ego munere tanto
 Pastores donem, tu Phillida, Pastor, habeto.

Me tandem & mecum his Themirin felicibus oris
 Ingressam vidit tenerorum mater Amorum.
 Tu mea jura colis, te non submissior alter
 Imperio (dixit) nostro, quæ præmia tantis
 Debentur meritis, observantissime, dignum
 Te quibus accumulem donis ! jam nullus amori
 Quo tibi cor fervet modus est, his addere vires
 Æstibus haud valeo, & Themiri incrementa nitoris
 Nulla novi Charitum dederit conjuncta potestas.
 Multa potens te Diva rogo, Venus aurea, votis
 Ecquis enim nostris, inquam, sit finis ! Amicæ
 In me tota meæ Themiris stet cura, dierum
 Tædia sublato numeret sibi sæva, reviso
 Gaudia tum norit redeuntia læta, meique
 Nocte ferunt suaves animo cum somnia visus,
 Sit memor, & memori meæ sola recurrat Imago.

F I N I S.



Errata. p. 2. l. 9. Divata. leg. Sacrata. l. 10. Sacras leg. celsus.
p. 22. l. 3. Divata. leg. Sacrata. p. 26. l. 9. ocius leg. Semel.

Impetare (dixit) non potui, nam parva rursus
Defensio mea, sed etiam dignum
Te quibus accideret dona: jam nullus amari

Quo tibi cor servet modus est, his addere cupo
Aestibus haud vixit de Thracum incrementis abenti
Nulla novae Chartam dedit contracta potest

Handwritten Latin text, likely a signature or date, written in a cursive script.

In hoc semper Thracum, sed etiam, dicitur
Toda fregato numeret ibi se, servo
Gaudia cum non redempta late, meique
Fecit seruitur, sed etiam, cum forma vilis,
Sed etiam, et memoriam sola recurrat Imago.

Handwritten text at the bottom of the page, possibly a date or reference.